



Ho beha meja fatshe ho tswa ho LETLOLE LA HO BEHA MEJA FATSHE LA PHENSHENE LA SAMRO

Letlole la Ho Beha Meja Fatshe la Phenshene la Samro le fana ka dikuno bakeng sa ditho tse kgethileng beha meja fatshe Letloleng. Sepheo sa tokomane ena ke ho neha ditho dintlha tsa dikgetho tsa bona ha ba beha meja fatshe Letloleng, ditlhoko tsa molao tse etsahalang ha o beha meja fatshe Letloleng le tsamaiso eo ba tshwanelang ho e latela ho tsebisa Letlole ka maikemisetso a bona a ho beha meja fatshe le ho kleleima dikuno tsa bona tsa ho beha meja fatshe.

Ka kopo bala tokomane ena ka hloko!

HO BEHA MEJA FATSHE HO TSWA LETLOLENG

Ho latela Melawana ya Letlole, setho se seng le se seng se ka kgetha ho beha meja fatshe ho tswa Letloleng **pakeng tsa dilemo tsa 55 le 75**.

Palohohle ya kuno ya hao letloleng, k.h.r. dinehelo tsohle tsa hao le phaello yohle ya ditlabotsha e fumanweng dinehelong, e bitswa Credit ya Letlole ya hao. Ha o kgetha ho beha meja fatshe ho tswa Letloleng, Credit ya Letlole ya hao e tla lefshwa.

Ho ya ka Molao wa Lekgetho, o tlameha ho sebedisa dikuno tsa hao tsa ho beha meja fatshe ho reka phenshene ho tswa khampaning ya inshoreense. O ka nka ho fihlela ho 1/3 ya Credit ya Letlole jwalo ka tjelete e fumanehang. 2/3 e setseng e tlameha ho sebediswa ho reka phenshene ya kgwedi le kgwedi. Ho na le tumello Molaong wa Lekgetho e dumellang ditho tsa Credit ya Letlole e ka tlase ho R75, 000 ho nka ho fihlela 100% ya kuno jwalo ka kontane ya tjelete ya ho beha meja fatshe.

Karolo eo o e kgethileng ho e nka jwalo ka tjelete e fumanehang e tla hulwa lekgetho. Tjelete ya lekgetho e lefshwa karolong ya tjelete e fumanehang, ho itshetlehile ka boholo ba tjelete e fumanehang. Sekgahla sa lekgetho seo se sebediswang tjeleteng e fumanehang se kgutsufaditswe mona ka tlaase:

Tjelete e fumanehang	% lekgetho
Ho fihlela ho R 500 000	0%
R 500 001 – R 700 000	18%
R 700 001 – R 1 050 000	27%
Ka hodimo ho R 1 050 001	36%

Karolo e sebedisitsweng ho reka phenshene e ke ke ya hulwa lekgetho. Phenshene ya kgwedi le kgwedi eo o e amohelang leha ho le jwalo e tla hulwa lekgetho jwalo ka lekeno.

Ho ya ka Melawana ya Letlole, setho se behang meja fatshe se tlameha ho reka phenshene ho tswa khampaning ya inshoreense e ngodisitsweng Afrika Borwa. Khampani ya inshoreense e tla ba le boikarabelo ba ho lefa phenshene ya kgwedi le kgwedi ya setho se behileng meja fatshe.

Ho bohlokwa ho hlokomela hore botho ba hao ba SAMRO bo tswelapele kamora o se o behile meja fatshe Letloleng. Leha ho le jwalo, hang ha o se o kgethile ho beha meja fatshe ho tswa ho Letlole la Ho Beha Meja Fatshe la Phenshene la Samro, botho ba Letlole botla fela mme SAMRO e tla tlohela ho lefa dinehelo Letloleng boemong ba hao Letloleng nakong e tlang.

TLHAHISOLESEDI LA PHENSHENE

Pholisi ya phenshene e ntshitsweng ke khampani ya inshoreense ha o ne o reka phenshene hantlente ke konteraka pakeng sa hao le khampani ya inshoreense moo o tsetelang karolo ya kuno ya hao ya ho beha meja fatshe (bonyane 2/3) le khampani ya inshoreense mme ba dumela ho o lefa phenshene kgwedi le kgwedi bakeng sa bophelo ba hao kaofela.

Ho na le mofuta e mengata e fapaneng ya dipenshene tseo o ka nahanang ho di reka ha o beha meja fatshe. Kgethong ya phenshene ha o beha meja fatshe, o hloka ho nahana ka boemo ba hao ka ha hono ho tla laola mofuta o tshwaneleheng haholo wa bakeng sa phenshene ya hao.

Hara dintho tse ding, o hloka ho nahana ka dilemo tsa hao, o nyetse/nyetswe kapa ha wa nyala/nyalwa, baka tlasa hlokomelo ya hao, dilemo tsa baka tlasa hlokomelo ya hao le maemo a bona, haeba o batla ho siya tjehele efe kapa efe bakeng sa baka tlasa hlokomelo ya hao, bophelo ba hao le ba molekane wa hao, maemo a ditjehele a ha jwale le ditlhoko tsa tjehele.

Tlhahisolesedi ena e tla thusa ho o tataisa ho kgetheng phenshene e loketseng boemo ba hao. Dipenshene tse ding di ka tsela e latelang:

- **Phenshene ya Motho ya Phelang a le Mong (Single Life Annuity)**
Moputso wa kgwedi le kgwedi o a lefshwa ho fihlela o hlokahala.
- **Phenshene ya Kopanelo ya Bophelo (Joint Life Annuity)**
Moputso wa kgwedi le kgwedi o a lefshwa ho fihlela molekane ya setseng a hlokahala.
- **Moralo wa Tshireletso ya Tjehele (Capital Preservation Plan)**
Moputso wa kgwedi le kgwedi o a lefshwa ho fihlela o hlokahala. Ka lefu la hao, tjehele eo o e tsetetseng ho phenshene e lefshwa ntle le ho hulwa lekgetho ho molekane wa hao ya setseng kapa baneng. Moputso wa kgwedi le kgwedi o tla ba tlaase ho feta was motho ya phelang a le mong kapa wa phenshene ya kopanelo ya bophelo ka ha karolo ya moputso e tla be e sebediseditswe ho reka inshoreense ya bophelo.
- **Phenshene o sa Phela (Living Annuity)**
O ka kgetha ho fumana moputso wa kgwedi le kgwedi o tsitsitseng o pakeng tsa 2.5% le 17.5% ya tjehele eo o e tsetetseng. Ha o ka hlokahala, boleng bo ka lefshwa ho bao o ba kgethileng ka tsela e tshwanang le e kgethilweng sethathong, kapa e ka lefshwa ho bao o ba kgethileng e le tjehele e fumanehang.
- **Phenshene e Nyolohang (Escalating Annuity)**
Moputso wa hao wa kgwedi le kgwedi o ka dula o tshwana ho ya ho ile, kapa o ka kgetha hore o nyolohe ho ba motjheng le infleishene.

Baemedi ba kgothaletsa ditho haholo ho ikopanya le mohlophisi wa ditjehele ya tshwanelang ya tla ba le bokgoni ba ho o thusa ka lewa la moralo wa ditjehele ka kakaretso, ho shebilwe boemo ba hao ba jwale ba ditjehele, ditlhoko tsa hao tsa jwale le tsa nako e tlang le ho thusa ka ho kgetha phenshene e ho loketseng haholo.

HO TLELEIMA KUNO YA HAO YA HO BEHA MEJA FATSHE

Haeba o na le dilemo tse 55 kapa ho feta mme o nkile qeto ya ho beha meja fatshe Letloleng, o tlameha pele o kgethe phenshene eo o lakatsang ho e reka (haeba kuno e le kahodimo ha R75, 000). O tlameha ho latela tsamaiso e thathamisitsweng ka tlaase:

- 1) Phethela foromo ya tsebiso ya ho beha meja fatshe (khopi e kgomathisitswe). Hlokomela hore tlhahisoledi e latelang e tlameha ho fanwa:
 - 1.1) Khopi ya ID.
 - 1.2) Nomoro ya Lekgetho (Hlokomela hore tefello ya kuno ha e kgonahale ntle le nomoro ya lekgetho e sebetsang).
 - 1.3) Dintlha tsa phenshene eo o ikemiseditseng ho e reka (Hlokomela hore ha ho karolo ya kuno e tlang ho lefshwa ntle le dintlha tse feletseng tsa phenshene eo o ikemiseditseng ho e reka, ntle le haeba kuno ya hao e le ka tlaase ho R 75,000).
 - 1.4) Broukara ya hao / lebitso la moeletsi wa ditjhelete le dintlha tsa boiteanyo.
 - 1.5) Dintlha tsa banka tse sebetsang. Hlokomela hore Letlole le tlameha ho lefa tjhelete e fumanehang ya kuno akhaontong ya banka e lebitsong la HAO. O se ke wa fana ka dintlha tsa bankeng tsa motho e mong, jwaloka molekane kapa aubuti kapa ausi wa hao.
 - 1.6) Dintlha tsa hao tsa boiteanyo.
- 2) Fekesa kapa emeila foromo e phethetsweng le dikgomathiso ho batsamaisi ba Letlole, Robson Savage:
Fekese: 011 6434535
Emeili: sharong@robsav.com
- 3) Robson Savage e tla kenya tshebetsong ditaello tsa lekgetho ho tswa the South African Revenue Service (SARS). SARS e tla ntsha taelo ho Letlole le ho nnetefatsa tjhelete e tlamehang ho hulwa ho tswa tjheleteng ya hao e fumanehang bakeng sale lekgetho le ho lefshwa ho SARS ke Robson Savage. **Ha ho tefello ya kuno e tlang ho etsahala ntle le taelo e ntshitsweng ke SARS.**
- 4) Robson Savage e tla lefa karolo ya tjhelete e fumanehang (kamora lekgetho) akhaontong ya hao ya banka le ho fetisetsa kuno e setseng ho khampani ya inshoreense moo o rekang phenshene.
- 5) Robson Savage e tla eletsa SAMRO ka tsebiso ya hao ya ho beha meja fatshe le rekoto ya hao ya SAMRO e dumelletseng bakeng sa lebaka leno.
- 6) Ho nka ho ka bang matsatsi a 15 – 21 ho phethela tefello ya kuno kamora ditokomane tse tlatsitsweng le ho nepahala di fetiswang (haeba Letlole le fumana taelo ya lekgetho ho tswa ho SARS). Hona ho batla hore ditaba tsa hao tsa lekgetho di be di lokile pele o etsa kopo bakeng sa hore ho etsuwe taelo ya lekgetho.

Ha o batla thuso e eketsehileng, o ka ikopanya le Ms Precious Ngwepe ofising ya Principal Officer ho 011 802 8011.